



partii naleraq

Nuuk 25.sep. 2019

UKA 2019/27

Jens Napätök, Partii Naleraq

**Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnissaa pillugu Inatsisartut inatsisaat nr. xx, xx. xxx 2019-imeersoq. (Pisortat inissiaataanni uumasuuteqarnissamut tunngatillugu maleruagassat allanngortinneqarnerat aamma attartortup toqukkut qimagunnerani il.il. attartukkap tiguneqartarnera pillugu)**

Ineqarnermut Attaveqaqatigiinnermullu Naalackersuisoq

Naalackersuisut sinnerlugit Inatsisartut peqqussutaata allanngortinneqarnissaa saqqummiunneqarpoq, Inatsisartunut ilaasortat siunnersuutaat saqqummiunneqarsimasut toqqammavigalugit inissianik attartortitsisarneq pillugu Inatsisartut inatsisaanut siunnersuut saqqummiunneqarluni.

Partii Naleqqami inatsisartut inatsisissaattut siunnersuut saqqummiunneqartoq misissorluareerlutigu nalilersuilluareerlutalu siunnersuut siunnersuuteqartut saqqummiunneqarnerani oqaluuserisatsinnut naapertuulluarmat nuannaarutigaput.

Inissiani qimmeqarsinnaaneq qitsuuteqarsinnaanerlugu ilaatigut siunnersuutigineqartumiit tassalu demokratiniit ammaannavillugu inissianut tamanut ammaannarnissaa siunnersuutigimmagu apeqqusersuuteqarsimavugut inoqateqaratta sapigaqartunik.

Tassa sapigaqartut aammalu eqqiluisaarneq aserfallatsaaliinerit allallu sunnerneqarsinnaasut toqqammavilersuutit saqqummiussoqataaffigut isiginiarlugit aaqiisoqarsimasoq takusinnaagatigut Partii Naleqqamiit naammagisimaarparput aammalu najugaqarfinni siulersuisut tassalu atuisut sinniisaat oqartussaatiillugit inatsisartut inatsisissaanut ilanngullugit qulakkeerneqarsimasut takusinnaagatigu naammagisimaarparput.

Isumaqarpugut najugaqartunut aammalu atuisunut naapertuuttumik inatsiliorluta atuisut sakkussaqaartilugit namminneq aallaavigalutik qanoq iliuuseqarsinnaanngorlugit.

Taamatullu allannguutissatut siunenersuummi immikkoortup aappaa 2019-imi upernaakkut ataatsimiinnermi sukumiisumik eqqartuereerluta aaliangiisimanerput tunngaveqarpoq.

Peqqussummi aporfiusalersimasut eqaallisaavigineqarnerat atuisunut pitsaanerusumik aammalu anisitaasartut ikinnerulerneranik kingunertartussaasoq naammagisimaaratigu Partii Naleqqamiit oqaatigissavarput.



partii naleraq

Nuuk 25.sep. 2019

UKA 2019/27

Jens Napätök, Partii Naleraq

Nuannaarutigaarput siunissami attartortup toqukkut qimagunerani attartortukamik attartortumut allamut, tassalu qanigisaannut tigusinissamut toqqammavissat qeratangerinnerusut inuppalaarnerusut qimagaasunut naleqqunnersusut maleruagassaalissammata atuutilerlutik.

Tassa attartortup toqukkut qimaguttup aapparisa, katissimaguniuk imaluunniit nalunaarsorsimasoq aappariinneranik, taamatullu meerai 18-it sinnerlugit ukiullit kiisalu attartortup angajoqqaavi attartukkamik tigusinnaangorlugit piunasaqaataasoq ukiunniit marluunniit maanna ukiup aaffannarmik najugaqatigiissimaneranut tunngasumik aaqiisoqarmat Partii Naleqqamiit naammagisimarttorujussuvarput.

Ilaqutariinni taamatut qanitariit najugaqatigiillutik attartorluni allassimasoq kisimi aallaviginagu ilaquataariit qitiutillugit qimagaasut inissaarullugit inissarlugit aaqiisoqarnera pissusissamisoortutut isigaarput.

Ilaqutat qanitarisat eqqarsaatigalugit uggoraarput siunnersuummi ilaatinneqanngimmata attartortup qatanngutai.

Partii Naleqqamiit isumaqarpugut maannakkut naleqqussaannermi ilaqutariinni qaninnerpaasut aappariit meeraalu aammalu attartup angajoqqaavinut periarfissiineq aamma qatannguteqarluni najugaqarteqarsimappat qatangutaasoq inissaarullugu anisitaasussanngornagu ilannguttariaqartoq, tamannalu aaqqiiffiqineqarnissaa kaammattuutigissavarput, taamaasilluni inatsisissami siunnersuummi ilaqutat qaninnerpaasut tamarmik inatsisitigut assigiimmik pineqarnissaat inatsisitigut qulakkeerneqarniassamat. Neriuppugut taamatut kissaateqarnerput partiinik allanik taparserneqarluni aaqqiiffiqineqassasoq.

Tassa attartortup toqukkut qimaguttup katissimasaa taamatullu aapparisa taamatullu attartorup angajoqqaavi utaqisut allattorsimaffianni allatsissimassasoq piunasaqaataajunnaarnera aamma qatanngutaasumut atuutilernissaa taamaasillugu Partii Naleqqamiit kaammattuutigaarput. Taamaasillugu ilaqtariit qaninnerpaajusut tarmarmik assigiimmik isigineqarsinnaangorlugit inatsisitigut illersugaalerlutik.

Taamatut Partii Naleqqamiit oqaaseqarluta ataatsimiitiliamut susassaqtumut oqariartuutigisarput ilanngullugu suliarneqarluni ingerlaqqinnissaa inassutigaarput.